

ANEXO VI.-

DECLARACION INSTITUCIONAL ANTI-FRAUDE

O Concello de Moraña ten a condición de Entidade Executora do Plan de Recuperación, Transformación e Resiliencia segundo o disposto na Orde HFP/1030/2021, de 29 de setembro, pola que se configura o sistema de gestión do Plan de Recuperación, Transformación e Resiliencia, en tanto lle corresponde, no o ámbito das súas competencias, a execución de Subproxectos das Reformas e Investimentos incluídas no Plan de Recuperación, Transformación e Resiliencia.

O Regulamento (UE) 2021/241 do Parlamento Europeo e do Consello do 12 de febreiro de 2021 polo que se establece o Mecanismo de Recuperación e Resiliencia sinala a obrigaón que teñen os Estados Membros de aplicar medidas adecuadas para protexer os intereses financeiros da Unión Europea e para velar por que a utilización dos fondos en relación coas medidas financiadas polo Mecanismo de Recuperación e Resiliencia se axuste ao dereito aplicable da Unión e nacional, en particular no que se refire á prevención, detección e corrección da fraude, corrupción e os conflitos de intereses.

O órgano superior de goberno da Entidade Executora quere manifestar o seu compromiso cos estándares máis altos no cumprimento das normas xurídicas, éticas e morais e a súa adhesión aos máis estritos principios de integridade, obxetividade e honestidade, de maneira que a súa actividade sexa percibida por todos os axentes que se relacionan con ela como oposta ao fraude e á corrupción en calquera das súas formas.

O termo «fraude» implica o uso do engano co fin de conseguir ganancias persoais para unha persoa vinculada a un organismo público ou para un terceiro, ou ben perdas para outra persoa. A «corrupción» é o abuso de poder para obter ganancias persoais.

Existe un «conflicto de intereses» cando o exercicio imparcial e obtetivo das funcións de unha persoa vese comprometido por motivos relacionados coa súa familia, a súa vida sentimental as súas afinidades políticas ou nacionais, os seus intereses económicos ou calquera outro tipo de interese compartido con, por exemplo, un solicitante de fondos da UE. A fraude, a corrupción e unha mala xestión dos supostos de conflito de intereses non só teñen consecuencias financieras, senón que ademais prexudican gravemente a reputación do organismo responsable da xestión eficaz e eficiente dos recursos públicos e, por tanto, dos fondos da UE.

O persoal do Concello, no seu carácter de empregados públicos, asume e comparte este compromiso tendo entre outros deberes o de “velar polos intereses xerais, con suxección e observancia da Constitución e do resto do ordenamento xurídico, e actuar conforme os seguintes principios: obxectividade, integridade, neutralidade, responsabilidade, imparcialidade, confidencialidade, dedicación ao servizo público, transparencia, exemplaridade, austeridade, accesibilidade, eficacia, honradez, promoción da contorna cultural e ambiental, e respecto á igualdade entre mulleres e homes” (Real Decreto Lexislativo 5/2015, do 30 de outubro, polo que se aproba o Texto refundido da Lei Estatuto Básico do Empregado Público, no seu artigo 52).

Elabórase un Plan de Medidas Antifraude para poñer en marcha medidas eficaces e proporcionadas de loita contra a fraude e a corrupción baseado nunha formulación proactivo, estruturado e específico para xestionar o risco de fraude que de garantías de



que o gasto en que se incorreu en actuacións do Plan de Recuperación, Transformación e Resiliencia está libre de conflito de interese, fraude e corrupción. Partiu-se da avaliación do risco de fraude realizado para o efecto. Adicionalmente, cóntase con procedementos para prever, detectar e denunciar situacións que puidesen constituir fraude ou corrupción e para o seguimento das mesmas.

O obxectivo desta política é promover dentro da organización unha cultura que desaliente toda actividade fraudulenta e que facilite a súa prevención e detección, promovendo o desenvolvemento de procedementos efectivos para a xestión destes supostos.

O Concello de Moraña comprométese a seguir implementando e mellorando medidas eficaces e proporcionadas de prevención, detección, corrección e persecución da corrupción e de loita contra a fraude

Ademais, o Concello comprométese a desempeñar un papel activo na avaliación periódica dos riscos de fraude na xestión e nas recomendacións da rede de oficinas e axencias antifraude.

O Concello de Moraña, entre outras medidas, pon ao dispor do conxunto da cidadanía e da organización os seguintes instrumentos para a loita contra a fraude:

- Portal de Transparencia.
- Sistema de Suxerencias e Reclamacións.
- Canle de Denuncias.
- Comité Anti-fraude.
- Análise periódica de riscos de fraude.

En definitiva, este concello ten unha política de tolerancia cero fronte á fraude e a corrupción e estableceu un sistema de control robusto, deseñado especialmente para prever e detectar, na medida do posible, os actos de fraude e corrixir o seu impacto, en caso de producirse. O Concello de Moraña denunciará as irregularidades ou sospeitas de fraude e corrupción que puidesen detectarse a través das canles internas de notificación e colaborará co Servizo Nacional de Coordinación Antifraude e demais autoridades e organismos públicos, corpos de seguridade do Estado, autonómicos ou forais en todo momento.

